



**Les Fleurs Des Vies Des Saints Et Des Festes De Toute
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles
Borromeo, & de Sainte Françoise ; Avec le Martyrologe Romain, pour
tous les iours de l'Annee ...

Ribadeneyra, Pedro de

Paris, 1631

xiii La vie des ss. Hyppolite, & Cassian mart.

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

LAVIE DES SAINCTS HIPPOLITE
& Cassian, Martyrs.13.
Aov.

Inuincible Martyr de Iesus-Christ
sainct Laurens, estant pris, il fut baillé
en garde à vn Choualier nommé Hip-
polite, lequel apres auoir veu les mira-
cles que faisoit sainct Laurens enfermé en la pri-
son, qu'avec le signe de la Croix, il rédoit la veüe
aux aueugles, & executoit des choses du tout
merueilleuses, il se conuertit, & fut baptisé par
sainct Laurens, luy & toute sa famille, qui estoit
côposée de 19. personnes. Depuis Hippolite fut
si feruent & desireux de mourir pour Iesus Ch.
que voyant souffrir sainct Laurens, afin de l'ac-
compagner & mourir avec luy, il voulut s'escrier
tout haut qu'il estoit Chrestien, & fut necessai-
re que sainct Laurés luy mesme l'en empeschast,
luy commandant de se taire, & d'attendre son
temps qu'il ne tarderoit gueres à venir. Apres
que sainct Laurens eut glorieusement acheuë sa
course, mourant sur le gril, avec ceste constance
& esprit admirable que nous auons dit, le iour
de son martyre Hippolite accompagné du Pre-
stre Iustin, porta honorablement son corps en
terre; ce qu'ayant esté diuulgé, parueni aux
oreilles de l'Empereur, a trois iours de là estant
en vne maison prest à se mettre à table pour dis-
ner, Hippolite fut pris par son commandement,
& amené deuant luy, qui luy dit: Tu es donc
aussi enchanteur & magicien comme Laurens,
duquel tu as enterré le corps: Il est vray, respon-
dit Hippolite, que ie l'ay enterré, non en quali-
té de Magicien, mais plüstoit de Chrestien. Ce-
la déplut fort au Tyran, qui luy fit recoigner la
parole dans la bouche à coups de pierres, & des-
poüiller la robe blanche de Chrestien nouvelle-
ment baptisé qu'il portoit, & S. Hippolite dit
au Tyran: Tu m'as reuestu au lieu de me des-
poüiller. Apres quelque propos, Valerian le fit
estendre par terre, & battre rudement de verges
& gros bastons: le Sainct remercioit Dieu, qui
le faisoit digne de ce tourment. Lors le Tyran
s'escria, Hippolite ne sent point les coups de
bastons, qu'on luy escorche tout le corps avec
des peignes & des cardes, ce qui fut fait, & Hip-
polite disoit à haute voix, Je suis Chrestien, &
l'endure pour Iesus-Christ. Les bourreaux estäs
las de luy grater la peau, & de le tourmenter, les
Tyran commanda qu'on le leuast de terre, &
qu'il fust vestu de son ancien habit militaire, cö-
mençant à le prier doucement de n'estre opinia-
stre, ains de le vouloir aimer, & iouyr des hon-
neurs militaires, & autres biens qu'il luy feroit.
Hippolite se mocqua de cela, & luy dit claire-
ment: Tout mon honneur & ma gloire, c'est
d'estre bon soldat de Iesus-Christ, & mourir
sous son enseigne. Le tyran confisqua ses biens,
& fit venir toute sa famille, ayant sceu qu'ils e-
stoient Chrestiens: entr'autres personnes il y
auoit vne sainte femme, nommée Concorde,
qui auoit esté nourrice, & la gouuernante d'Hip-
polite: Le tyran luy dit, qu'elle eust esgard à son

aage, & qu'elle perdist la volonté de mourir
avec son maistre Hippolite: à quoy elle respon-
dit: Quand à moy & nous autres qui sommes Aoy-
icy, nous aymons mieux mourir honorablement
avec Hippolite, que de viure laschement sans
luy. Le tyran s'irrita de cela, disant: Les escla-
ues ne se corrigent qu'à force de coups: il fit
foüetter Concorde si rudement avec des cordes
plombees, qu'elle rendit son esprit à Dieu en co-
tourment, en la presence d'Hippolite; lequel
fut fort ioyeux d'auoir enuoyé deuant à la cou-
ronne de gloire celle qui l'auoit allaiié. En fin
Valerian commanda qu'Hippolite & toute sa
famille fut mené hors de Rome, & qu'en sa pre-
sence tous les autres eussent la teste tranchée,
puis apres qu'il fust attaché à la queue des che-
uaux indomptez pour estre traîné au trauers les
champs. En cet horrible & tres-cruel martyre,
il rendit son ame à Dieu, & son corps tout brüé
fut enterré de nuit par le Prestre Iustin, & au-
tres Chrestiens, dans le champ Verantien, allez
pres du corps de sainct Laurens L'Eglise sole-
nise son martyre le 13. d'Aoust, l'an de Iesus-
Christ 261. sous l'Empire de Valerian & Gallien
son fils.

Les Martyrologes Romains, de Beda, Vsuard,
& Adö, font mention de sainct Hippolite Mar-
tyr: mais il en est traité plus amplemētés Aäes
du Martyre de sainct Laurens.

LA VIE DE SAINCT CASSIAN,
Martyr.

Sainct Cassian Martyr fust Euesque
d'vne ville d'Allemagne, située dans
les Alpes, qu'on appelle Bresse, de la-
quelle ayät esté chassé, il se mit en che-
min pour venir à Rome. Estant parueni à la ville
d'Imole, qui est en la Romagne, il s'y arreäta en
intention d'y seruir nostre Seigneur, & professa
à la ieunesse, tenant escole pour instruire les en-
fans aux lettres & bonnes meurs. La persecü-
tion contre les Chrestiens estoit lors en regne, &
le Iuge ayant sceu que Cassian l'estoit, il le fit
prendre, & l'interrogea s'il estoit Chrestien ac-
de quoy il se mesloit. Le Sainct cöfessa hardimēt
qu'il estoit Chrestien, & qu'il se mesloit d'ap-
prendre à lire & escrire aux petits enfans. Alors
le Iuge fit assembler tous les enfans qui alloient
à l'escole de Cassian, & leur dit que leur maistre
estoit le sacrilege contre les dieux, infraäeur des
ordonnances Imperiales, & digne de mort, le-
quel il abandonnoit entre leurs mains, pour le
faire mourir comme ils voudroient. Les enfans
induits par le Iuge, & desireux de se venger des
chastimens qu'ils auoient recens de leur ma-
istre, seruerent sur le sainct, & chacun d'eux le fra-
poit comme il pouuoit. On escriuoit lors des ta-
blettes avec des fers pointus, qu'on appelloit
stile, c'estoit de quoy ils piquoient le Sainct par
tout le corps iusqu'au sang. Il les prioit de ne se
pas feindre, & de le frapper plus fort, tant il de-
siroit mourir pour Iesus-Christ, d'autant que les
petites playes le retardoient d'entrer en sa gloire